

Служба святителю Сильвестру, архиепископу Омскому и Павлодарскому, исповеднику и мученику

ВЕЧЕР

На Господи, воззвах: стихирь, глас 1.

Подобен: Прехвальнии мученицы:

Прехвальне святителю Сильвестре,/ ты ни темница
изнурила есть,/ ни глад умори,/ ни озлобления и раны
смятоса,/ во еже разлучити ты от любви Божия/ и
богодарованныя паствы./ Темже Христу, святе, молися/
даровати Церкви нашей// мир и велию милость.

Всехвальне святителю Сильвестре,/ от братьей по плоти
страдания до крове претерпевая,/ в себе помышлял еси,/ яко
Господа ради умерщвляеми есмы/ и несть наша брань
противу плоти и крови,/ но к миродержителю тьмы века
сего./ Темже Христу, святе, молися,/ даровати земли нашей//
мир и велию милость.

Преславне святителю Сильвестре,/ ты жертву
безкровную/ पहले благоговейне совершая,/ послежде, яко
всеплодие,/ себе самого в жертву живую принесл еси,/ моля,
да простится грех богоборчества народа нашего./ И ныне
Христу, святе, молися/ даровати людем российским// мир и
велию милость.

Слава, глас тойже:

Церкве Российския славо/ и Отчества нашего
украшение,/ святителю Сильвестре,/ властью, от Бога тебе
данною,/ ругатели безбожные обличал еси,/ и, яко волки
лютыя, от стада твоего отгнал еси/ и диавола посрамил еси,
кровь же твою, яко Авелева,/ от земли нашей вопиет
немолчно./ Сего ради ходатай на Небеси о нас верен буди// и
моли спастися душам нашим.

И ныне, Богородичен: Всемирную славу:

Вход. Прокимен дне. И чтения три.

Деяний святых апостол чтение (глава 4):

Во дни оны, глаголющим же апостолом к людем,/ наидоша на них священницы и воевода церковный, и саддукей,/ жалеюще си, за еже учити им люди и возвещати о Иисусе воскресение мертвых;/ и возложиша на них руки и положиша их в соблюдение до утрия:/ бе бо вечер уже./ Мнози же от слышавших слово вероваша:/ и бысть число мужей яко тысящ пять./ Бысть же наутрие собратися князем их, и старцем, и книжником во Иерусалим:/ и Анне архиерею, и Каиафе, и Иоанну, и Александру,/ и елицы беша от рода архиерейска./ И, поставльше их посреде, вопрошаху:/ кою силою, или коим именем сотвористе сие вы?/ Тогда Петр, исполнився Духа Свята, рече к ним:/ князи людстии и старцы Израилевы,/ аще мы днесь истязуеми есмы о благодеении человека немощна,/ о чесом сей спасеся,/ разумно буди всем вам и всем людем Израилевым,/ яко во имя Иисуса Христа Назорея,/ Егоже вы распясте,/ Егоже Бог воскресил от мертвых,/ о сем сей стоит пред вами здрав./ Сей есть камень, укоренный от вас, зиждущих,/ бывый во главу угла,/ и несть ни о едином же ином спасения;/ несть бо иного имени под небесем, даннаго в человецех,/ о немже подобает спастися нам.

Деяний святых апостол чтение (глава 4):

Во дни оны, видяще иудеи Петрово дерзновение и Иоанново и разумевше,/ яко человека не книжна еста и проста, дивляхуся,/ знаху же их, яко со Иисусом беста;/ видяще же исцеленнаго человека с ними стояща,/ ничтоже имяху противу рещи./ Повелевше же има вон из сонмища изыти,/ стязахуся ко друг другу, глаголюще:/ что сотворим человека сима?/ Яко убо нарочитое знамение бысть има,/ всем живущим во Иерусалиме яве,/ и не можем отрещися;/ но да не более прострется в людех,/ прещением да запретим има кому не глаголати о имени сем ни единому от человек./ И призвавше их,/ заповедаша има отнюдь не провещавати, ниже учити о имени Иисусове./ Петр же и Иоанн, отвещавше к ним, реста:/ аще праведно есть пред Богом/ вас послушати паче, нежели Бога?/ Судите: не можем бо мы, яже видехом и слышахом, не глаголати./ Они же, призапрещше има, пустиша я,/ ничтоже обретше, како мучити их, людей ради,/ яко вси прославляху Бога о бывшем:/ лет бо быше множае

четы́редесяти человек той,/ на нёмже бысть чúdo сие́ исцелёния.

Деяний святых апóстол чтёние (глава́ 4):

Во дни́ оны, отпу́щена бывша апóстола приидóста ко своим и возвестíста,/ елика к нима архиереи и старцы́ рёша./ Онí же, слы́шавше, единоду́шно воздвиго́ша глас к Бо́гу и рекóша:/ Влады́ко, Ты, Бо́же, сотвори́вый не́бо и зёмлю и мо́ре и вся, я́же в них,/ И́же усты́ Дави́да, о́трока Твоего́, рече́:/ вскую́ шата́шася язы́цы и лю́дие поучи́шася тщётным?/ Предста́ша ца́рие зёмстии,/ и кня́зи собра́шася вку́пе на Го́спода и на Христа́ Его́./ Собра́шася бо войсти́ну во гра́де сем на свята́го О́трока Твоего́ Иису́са,/ Его́же пома́зал еси́,/ И́род же и Понти́йский Пилáт, с язы́ки и людьми́ израи́левыми,/ сотвори́ти, елика рука́ Твоя́ и совет Твой предна́рече́ быти./ И ны́не, Го́споди, при́зри на прещёния их/ и даждь рабо́м Твои́м со всяким дерзнове́нием глаго́лати сло́во Твое́,/ внегда́ ру́ку Твою́ простре́ти Ти во исцелёния,/ и зна́мением и чудесе́м быва́ти и́менем свята́м О́трока Твоего́ Иису́са./ И помолíвшимся им, подви́жеся ме́сто, иде́же бя́ху со́брани,/ и испо́лнишася вси Ду́ха Свя́та,/ и глаго́лаху сло́во Бо́жие со дерзнове́нием.

На стихóвне стихи́ры, глас 6.

Подóбен: Триднёвен:

Сто́лп непоколебíмый Ру́сския Цёркве был еси́,/ гонёния лю́тая претерпева́я,/ день и но́щь в моли́тве подвизáлся еси́,/ святи́телю Сильвёстре,/ огнём ре́вности и ду́хом крóтости/ па́ству твою́ ко Христу́ путево́дя,// тем ты любóвию почита́ем.

Стих: Священни́цы Твоя́ облеку́тся в пра́вду// и преподо́бнии Твой возра́дуются.

Вёрен Бо́гу и Цёркви был еси́ да́же до сме́рти,/ святи́телю Сильвёстре,/ ны́не же, с ли́ки новому́ченик и испове́дников Росси́йских/ предсто́я Христу́ Царю́,/ моли́ся с ними́ приле́жно/ дарова́ти нам мир// и ве́лию ми́лость.

Стих: Честна́ пред Го́сподем// сме́рть преподо́бных Его́.

Душе́вная и телёсная страда́ния твоя́/ и сме́рть за Го́спода во́льная от безбо́жных/ отверзо́ша ти, свя́те Сильвёстре,/ врата́ жи́зни ве́чныя/ и укрепи́ша бра́тий твои́х испове́дати Христа́./ Те́мже Ему́ моли́ся при́сно,// да утверди́тся Правосла́вие на Руси́ во ве́ки.

Слава, глас 4:

А́нгели страда́нием твои́м дивля́хуся,/ и Це́рковь
Небе́сная ра́достно тя при́ят,/ достохва́льне Сильвэ́стре./
Ны́не же, священней ру́це твои́/ к Престо́лу Святы́я Трои́цы
протира́я,/ помина́й зе́млю Ру́сскую,/ ю́же возлюби́л еси́, //
моля́ о спасе́нии сла́вящих тя благоче́стно.

И ны́не, Богоро́дичен, глас то́йже:

При́зри на моле́ния Твои́х раб, Всенепоро́чная,/ и вся́кия
ско́рби изба́ви зе́млю Ру́сскую,/ до́м Твой наре́ченную/ и
кровьми́ новому́ченик освяще́нную./ Да не постыди́мся,
Влады́чице Держа́вная,/ Ты призыва́ющии,/ Ты бо еси́
правосла́вных по́мощь,/ ра́дость и покрóв// и спасе́ние
душ на́ших.

Тропа́рь святите́лю Сильвэ́стру, глас 3:

Церкве Русския столпе непоколебимый / благочестия
правило / жития Евангельского образе / святителю отче наш
Сильвэстре / Христа ради пострадавший даже до крове / Его
же моли усердно / яко Начальника и Совершителя спасения /
Русь святую утвердить в Православии/ паству твою Омскую
добре управити / и град твой в мире соблюдать // до
скончания века.

НА УТРЕНИ

По 1-м стихословии седа́лен, глас 6:

Сквозе́ огонь муче́ния, я́ко свиде́тель ве́рный, прошёл еси́,/
блаже́нне Сильвэ́стре,/ сего́ ра́ди с ли́ки святы́х земли́
Ру́сския/ в Небе́сном Оте́честве торже́ствуеши./ Помози́ и
нам бы́ти ве́рным Христу́ и спасти́ся душа́м на́шим.

Слава, и ны́не, Богоро́дичен:

О Всепе́тая Де́во,/ Ты ве́мы Покрóв земли́ Ру́сския,/ Тебе́
бо, грешнии, има́мы предста́тельство,/ Тебе́ стяжа́хом в
напа́стех спасе́ние,/ Еди́ну Всенепоро́чную.

По 2-м стихословии седа́лен, глас 2:

Боле́зными и страда́нии твои́ми, святите́лю Сильвэ́стре,/
Бо́га просла́вил еси́/ и ходата́й ве́рный о нас яви́лся еси́./ Сего́

ради с любовью вопиём ти:/ не преста́й моли́тися о чту́щих
святу́ю па́мять твою́.

Сла́ва, и ны́не, Богоро́дичен:

Моли́твеннице те́плая, Засту́пнице ро́да христиа́нского,/
приими́ моле́ния раб Твои́х/ и осени́ Русь Правосла́вную
покро́вом Твоея́ бла́гости.

Велича́ние:

Велича́ем тя,/ святите́лю о́тче наш Сильвэ́стре,/ и чтим
честная́ страдания́ твоя́,/ яже за Христа во утвержде́нии на
Руси Православия/ претерпел еси́.

Псалом избра́нный:

1-й лик: Бог нам Прибе́жище и Си́ла.

2-й лик: Го́споди, воздвигни си́лу Твою́ и прииди́, во е́же
спасти́ ны.

1-й лик: Глаго́лах о свидéниях Твои́х пред ца́ри и не
стыдя́хся.

2-й лик: Все язы́цы обыдо́ша мя, и и́менем Госпо́дним
противля́хся им.

1-й лик: Тебе́ ра́ди умерщвля́емся весь день, вмени́хомся
яко́ о́вцы заколе́ния.

2-й лик: Кре́пость моя́ и пéние моё́ Госпо́дь и бысть мне во
спасéние.

По полиеле́и седа́лен, глас 1:

До́блйи страда́льче и служи́телю Та́ин Бо́жиих,/
святите́лю Сильвэ́стре,/ Це́ркве Ру́ския похвало́ и
утвержде́ние,/ ны́не, пра́зднующе твою́ па́мять,/ Бо́гу,
просла́вльшему тя, благода́рственно вопиём:/ сла́ва Да́вшему
ти кре́пость во страда́ниях,/ сла́ва Венча́вшему тя,/ сла́ва
Спаса́ющему нас твои́ми моли́твами.

Сла́ва, и ны́не, Богоро́дичен:

Предста́тельнице те́плая и Засту́пнице усéрдная,/ в
годи́ну безбо́жия от конéчныя поги́бели/ зéмлю Ру́скую
изба́вльшая всемо́щным хода́тайством к Сы́ну Твоему́,/ и
ны́не не оста́ви нас моли́твами Твои́ми, Влады́чице
Богоро́дице.

Степе́нна, 1-й антифо́н 4-го гласа.

Прокімен, глас 4: Пройдохом сквозе́ огонь и во́ду, // и извёл еси́ ны в поко́й. **Стих:** Разже́гл ны еси́, я́коже разжиза́ется серебро. **Всякое дыха́ние:**

Ева́нгелие от Матфе́я, зача́ло 36.

По 50-м псалме́ стихира, глас 6:

Егда́ попусти́ Госпо́дь по грехо́м на́шим/ братоуби́йство, гоне́ния и ве́ры Христо́вы поруга́ние,/ ты, святи́телю Сильвэ́стре,/ Це́ркве Росси́йския столп непоколеби́мый яви́лся еси́/ и, кровь свою́ю за Христа́ проли́яв,/ па́ству во еди́нстве соблю́л еси́./ Ны́не же, на Небеси́ предсто́я с ли́ки новому́чеников, // моли́ спасты́ся душа́м на́шим.

Кано́н, глас 4.

Песнь 1

Ирмо́с: Мо́ря чермну́ю пучи́ну/ невла́жными стопа́ми/ дрэ́вний пешешествовав Израи́ль,/ крестообра́зными Моисе́овыма рука́ма// Амалікову си́лу в пусты́ни победи́л есть.

Во́ли Бо́жией послушли́в быв,/ святи́тельства жезл при́ял еси́, святи́телю Сильвэ́стре,/ и, за Христа́ да́же до сме́рти пострада́в,/ ве́рный сын Це́ркве яви́лся еси́.

Опле́вания, биения и заушения му́жественне претерпе́л еси́, святи́телю Сильвэ́стре,/ Па́стырена́чальнику Христу́ подобя́ся.

Безбо́язненно пропове́довал еси́ лю́дем покая́ние, святи́телю Сильвэ́стре,/ да обратят сердца́ своя́ к Бо́гу/ и то́кмо на Него́ в ско́рбех и лишэ́ниях упова́ние ймут.

Богородичен: Ма́ти Бо́жия,/ дом Твой, Свята́я Русь, мо́лит Тя:/ изба́ви лю́ди Тво́я от вся́кия ну́жды и ве́чнаго осужде́ния.

Песнь 3

Ирмо́с: Веселі́тся о Тебе́ Це́рковь Тво́я, Христе́, зову́щи:/ Ты моя́ кре́пость, Го́споди, // и прибэ́жище, и утвержде́ние.

Егда́ при́иде испытáние ве́ры твое́я, святи́телю Сильвэ́стре,/ страда́ние за Христа́, я́ко благодáтныи дар, при́ял еси́/ и кро́вию тво́ею Ру́сскую зе́млю обагри́л еси́.

Егда́ при́иде гоне́ние от безбо́жных,/ столп непоколеби́м Ру́сския Це́ркве яви́лся еси́, святи́телю Сильвэ́стре,/ святы́х,

яко ближних сродник, в помощь призывая, / с нимиже купно ныне прославляешься.

Аще и умерщвлен был еси телом, святителю Сильвестре, / обаче духом козни диавольския посрамил еси, / имея Христа прибежище и утверждение.

Богородичен: Тя Предстательницу, Пречистая Дево, молим: / преложи нашу печаль на радость и скорбилежащая избави, Заступнице наша.

Седален, глас 3:

Заветы исповедников и святителей Христовых восприем, / душу твою за веру Православную положил еси, святе, / еуже утверждается земля Русская. / Сего ради молися, святителю Сильвестре, / любовью чтущим тя верным Христу до конца быти.

Слава, и ныне, Богородичен:

Не имамамы иного прибежища, разве Тебе, Богородице, / Отчества нашего усердная Заступнице: / всяк бо, почитая Тя, надежду обретает.

Песнь 4

Ирмос: Вознесена Ты видевши Церковь на Кресте, / Солнце Праведное, / ста в чине своем, / достойно взывающи: // слава силе Твоей, Господи.

Да не дерзают языцы рещи: где есть Бог ваш? / Кровь бо новомучеников от земли нашей вопиет: / Господи, Господь наш, яко чудно имя Твое по всей Русстей земли.

Имже образом желает елень на источники водные, / сие ты, святителю Сильвестре, к живоносным страданиям за Христа притекл еси, / имиже присно священно обновляется лице земли Русския.

Вся земная ни во что вменив Христа ради, / словом и житием, святителю Сильвестре, верных поучал еси: / о Бозе сотворим силу, / и Той унижит стужающих нам.

Богородичен: Стена неборимая и Покров всемогущий Российским новомучеником явилася еси, Пресвятая Дево, / темже Тя величаем.

Песнь 5

Ирмос: Ты, Господи мой, / Свет в мир пришел еси, / Свет Святой, обращающий из мрачна неведения // верою воспевающий Тя.

Яко луч Солнца Правды явился еси, святителю

Сильвѣстрѣ,/ и страданіи твоими мглу безбожія над Отѣчеством нашим разсѣял еси.

Егда безбожнии тщахуся сокрыти тя в темнице, святителю Сильвѣстрѣ,/ Господь яви тя исповѣдника Своего всем концем земли Русския.

Русския Цѣркве свѣтільниче священнѣй Сильвѣстрѣ,/ кровью мученическими неугасимо святѣй и у Престола Божія предстоѣй,/ молися о чтущих тя.

Богородичен: Иже от Дѣвы неизреченно рождѣйся, Господи,/ сохрани молитвами Ея Цѣрковь Твою,/ Тебѣ славящую православными гласы.

Песнь 6

Ирмос: Пожру Ти со гласом хвалѣнія, Господи,/ Цѣрковь вопиет Ти,/ от бесовския крове очищися/ ради милости от ребр Твоих// истекшею Кровию.

Восприим меч духовнѣй, иже есть глагол Божій,/ безбожных козни сокрушил еси, святителю Сильвѣстрѣ,/ и вся разжѣнныя стрѣлы лукаваго угасил еси щитом веры Православныя.

Во святителех благочестно пожив и мученія путь терпеливо восприим,/ сугубую мзду на Небесех обрел еси, святителю Сильвѣстрѣ,/ идеже евангельски присно радуешися и веселишися.

Ничтоже возможно разлучити тя, богоприятне, от любви Христовы:/ ни скорбь, ни гонѣние, ни смерть,/ вся бо сия силою Возлюбльшаго тя Господа препобедил еси, святителю.

Богородичен: Поѣм Тя, Предстательнице теплая и Заступнице христиан, Богородице Всепетая,/ яко со всеми святыми земли Русския молиши Сына Твоего и Бога нашего/ обрести нам велию милость.

Кондак, глас 2:

Восхвалим, вернии,/ изряднаго во святителех / и славнаго Сильвѣстра,/ Православія поборника и благочестія ревнителя,/ земли Русския красное прозябѣние,/ иже страданіем Небесѣ достиже/ и тамо тепле молит Христа Бога// спастися душам нашим.

Икос:

Красуйся и ликуй, Цѣрковь Русская,/ яко благоплодная лоза священнаго страдальца израстившая,/ добропобѣдным

мучением сердца верных укрепившаго,/ заповеди Господни исполнившаго и присно евангельски учившаго:/ приидите, чада, послушайте мене,/ не убойтесь от убивающих тело, души же не могущих убить,/ убойтесь же паче могущаго душу и тело погубить в геенне./ Темже, святителю Сильвестре, моли Христа Бога спастися душам нашим.

Песнь 7

Ирмос: В пещи авраамстии отроцы персидстей,/ любовью благочестия паче,/ нежели пламенем, опаляеми, зываху:// благословен еси в храме славы Твоея, Господи.

Яко трие отроцы, в пещи вавилонстей пламенем объятии, молитвою не сгараху,/ тако ты, святителю Сильвестре, во огни мучений благодатию веру сохранил еси./ Сего ради ныне с новомученики Российскими ликуеши:/ благословен еси, Боже отцев земли наша.

Якоже древле отроцы, в пещи неопаляеми, златому истукану не поклонися,/ тако же и ты, святителю Сильвестре, огнем мучений неопаляемь,/ безбожие небоязненно обличал еси, зывая с новомученики Российскими:/ благословен еси, Боже отцев земли наша.

Жертву живую и всесожжение Творцу себе самого принося, святителю Сильвестре,/ с новомученики Российскими воспевал еси:/ могущи, покарйтесь, яко с нами Бог отцев земли наша.

Богородичен: **Я**же паче ума и естества Бога рождши, Неискусомужная Марие,/ чтущия Тя от враг видимых и невидимых избави,/ Ты бо еси земли отцев наших Держава неборимая.

Песнь 8

Ирмос: Руце распростер, Даниил/ львов зияния в роуе затче;/ огненную же силу угасиша,/ добродетелию препоясавшися,/ благочестия рачители отроцы, зывающе:// благословите, вся дела Господня, Господа.

Землю Русскую, безбожными гонении нещадно жегомую,/ слезами и кровью твоими напоил еси, святителю Сильвестре,/ сего ради плоды веры, чада церковная, возрастил еси.

Злобы мучителей не убоился еси,/ огнем любви Божественныя твоя препобедив,/ темже благодать молитися о нас стяжал еси, святителю Сильвестре, достохвальне.

Благословляя гонителей твоих, блаженне Сильвестре,/ усердно молился еси за них,/ да покаются и купно с верными братьями благословят Господа.

Богородичен: Христа зрящи умерщвляема, Многопетая Владычица,/ и видящи исполнение Симеонова проречения, слезящи зываше:/ благословен еси, Боже, во веки.

Песнь 9

Ирмос: Камень нерукосечный/ от несекомья горы, Тебе, Дево,/ краугольный отсечся,/ Христос, совокупивый разстоящая естества.// Тем, веселящися, Тя, Богородице, величаем.

Руками беззаконных убиен,/ жертва благоприятная и вольное заклание Богу принесся еси, святче Божий Сильвестре./ Тем благодарне память твою почитаем.

Господь, исполняя смотрение Свое о Церкви Русстей,/ заступника тя, святителю Сильвестре, содела./ Темже молися Ему, во благочестии нам пребывать и спастися душам нашим.

О бездна благодати Божия!/ Дарова бо Бог возлюбленным Своим веры ради пострадати/ и ты, святителю Сильвестре./ яко плод красный спасительнаго сеяния, избра от земли Русския.

Богородичен: Разори советы вся, на ны вооруженныя, Мати Бога Вышняго,/ и радости исполни уповающия на Тя,/ да усердно вси Твое проповедуем заступление.

Светилен:

Паству хлебом слова Божия насыщая/ и вином премудрости священныя напоая,/ теплотою любви твоея дары сия растворил еси, святителю Сильвестре./ И ныне высоким проповеданием вещаеши чадом Церкви Русския:/ приступите ко Господу, и просветитесь,/ и лица ваша не постыдятся.

Слава, и ныне, Богородичен:

О Тебе мы хвалимся, Богородительнице,/ и к Богу Тя ймамы Предстательство,/ простри руку Твою необоримую/ и сокруши враги Церкви Русския.

На хвалитех стихире, глас 4.

Подобен: Дал еси знамение:

Дал еси знамение/ земли Русстей, Господи,/ святителя, угодника Твоего, Сильвестра,/ яко да тем умолен бывая,/ отвратиши праведный Твой гнев,/ и не погибнет святая/ и

боголюбивая Русь// предстательством новаго страсотёрпца.

Жёртву хваления/ присно Господеви принося,/ святителю Сильвэстрэ,/ в конец самаго себе/ в жёртву живу и святу,/ благоугодну и совершённу представил еси,/ темже ти верно вопиём:/ благоприятны сотвори молитвы наша// о благостоянии Цёркве Русския.

Предстателю Цёркве Русския,/ святителю Сильвэстрэ всехвальне,/ вину зряи Лице Господа на Небесех,/ не презри ни единого/ от малых чад ея,/ но радостно покаяние наше приими/ и моли присно// сыновом Россійским спастися.

Слава, глас 8.

Подобен: О, преславнаго чудесе:

О, преславнаго чудесе!/ Яко крин посреде терния,/ в страданиях за Христа процвел еси, святителю Сильвэстрэ,/ да не затмится в земли нашей свет Православия/ во откровение языком и славу народа Русскаго./ И ныне, в селениях райских пребывая,/ неувядаемо благоухаеши// вере твоей подражающим.

И ныне, глас и подобен тойже:

О, преславнаго чудесе! / Небесе и земли Царица, / от святых сродников наших умоляемая, / до ныне землю Русскую покрывает / и лика Своего изображении милостивно обогащает. / О Владычице Державная! / Не престани и на будущее время / во утверждение на Руси Православия// милости и чудеса изливати до века. Аминь.

Славословие великое. И отпуст.

НА ЛИТУРГИИ

Блаженна от канона, песнь 3-я и 6-я.

Прокимен, глас 7: Честна пред Господем// смерть преподобных Его. Стих: Что воздам Господеви о всех, яже воздаде ми?

Апостол к Римляном, зачало 99.

Аллилуия, глас 2: Священницы Твой облечутся в правду, и преподобнии Твой возрадуются. Стих: Бог нам Прибежище и Сила, Помощник в скорбех, обретших ны зело.

Евангелие от Луки, зачало 106. Конец: В терпении вашем стяжите душа ваша.

Прича́стен: В па́мять вѣчную бѹдет пра́ведник:

Моли́тва

О избра́нниче и уго́дниче Христо́в, **святителю отче наш Сильвѣстре**, Це́ркве Ру́сския сто́лпе непоколебѣмый, земли́ на́шея благо́е прозябе́ние и кра́сный плод, срѹдников твоѣих предста́телю и наста́вниче, града́ нашего похвало́ и утвержде́ние! Ты во вре́мя гонѣ́ния безбо́жнаго от сокро́вищницы душі́ твоея́ спаси́тельное испове́дание Правосла́вныя ве́ры изне́сл еси́, и лю́дем ве́рным па́стырь до́брый яви́лся еси́, ду́шу твою́ за Христа́ и Его́ о́вцы полага́я и лю́тыя во́лки далѣ́че отгоня́я. Ны́не у́бо при́зри на нас, недостѹ́йных чад твоѣих, умилѣ́нною душо́ю и сокруше́нным се́рдцем тя призыва́ющих. Умоли́ Го́спода Бо́га, да прости́т согреше́ния на́ша и изба́вит от а́довых уз и вѣчнаго мучѣ́ния. Утверди́ нас в ве́ре святѣ́й, научи́ нас всегда́ твори́ти во́лю Бо́жию и храни́ти за́поведи церко́вныя. Бѹди па́стырем на́шим пра́вило ве́ры, вои́ном вождь духо́вный, боля́щим врач изря́дный, печа́льным утѣшитель, гони́мым засту́пник, ю́ным наста́вник, всем же благосе́рдый оте́ц и те́плый моли́твенник, я́ко да моли́твами твоѣими соблюде́тся в Правосла́вии Свята́я Русь и непреста́нно сла́вится в ней ѡ́мя Пресвяты́я Тро́ицы, Оте́ца, и Сы́на, и Свята́го Ду́ха, во ве́ки веко́в. **Ами́нь.**